



Broj: 02-04-197/23-AP-4
Datum: 21.02.2023. godine

GRADSKO VIJEĆE ZAVIDOVIĆI
n/r PREDSEDAVAJUĆEM GRADSKOG VIJEĆA
(po ovlaštenju Gradskog vijeća)
broj: 01-04-3088/22-AP-6 od 29.12.2022. godine
Šemsudin Skejić, dipl. ing. maš.

PREDMET: Odgovori na vijećnička pitanja sa 9. sjednice Gradskog vijeća Zavidovići održane 17.01.2023. godine, dostavljaju se

Povodom vijećničkih pitanja postavljenih na 9. sjednici Gradskog vijeća Zavidovići održanoj 17.01.2023. godine, dostavljamo odgovore na iste kako slijedi:

1. VIJEĆNIČKA PITANJA VIJEĆNIKA HODŽIĆ HARISA

1. Vijećnik Hodžić Haris: Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležnih službi da mi se dostavi informacija koje pravno lice upravlja led displejom na glavnoj raskrsnici u gradu te kakve su obaveze općine Zavidovići prema istom?

Direktno pitanje: Tražimo od nadležne gradske službe da nam dostavi podatke koje pravno lice upravlja led displejom na glavnoj raskrsnici u gradu, te da li općina Zavidovići ima ikakve obaveze prema istom, odnosno da li je u predhodnim godinama koristila usluge oglašavanja, te koje su usluge u pitanju i koliko je plaćeno za iste?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravljanje poljoprivrede, vodoprivrede i komunalnih poslova, broj: 08-45-21/23-AP-26 od 31.12.2023. godine i akta Službe za upravljanje finansijama, budžet i trezor, broj: 05-45-11/23-AP-2 od 31.01.2023. godine): Služba za upravljanje poljoprivrede, vodoprivrede i komunalnih poslova 2018. godine zaprimila je zahtjev Privrednog društva „GRAFIKOM“ d.o.o. Maglaj za izdavanje odobrenja za zauzimanje javne površine radi postavljanja led displeja. Rješavajući predmetni zahtjev utvrđeno je da je za izdavanje odobrenja nadležno Ministarstvo za prostorno uređenje, promet i komunikacije i zaštitu okoline i to Kantonalna direkcija za ceste. Ministarstvo za prostorno uređenje, promet i komunikacije i zaštitu okoline, Kantonalna direkcija za ceste, kao nadležni organ je predmetnu upravnu stvar riješila donošenjem Rješenja

broj: 12-27-09563-3/18 od 06.12.2018. godine. Navedenim Rješenjem Privrednom društvu "GRAFIKOM" d.o.o. Maglaj je odobreno postavljanje led displeja na lokaciji k.č. broj: 1753/1 k.o. Zavidovići, u ulici „Zlatnih ljljana“, raskršće sa ulicom „Safvet-bega Bašagića“. Slijedom navedenog Služba za upravu poljoprivrede, vodoprivrede i komunalnih poslova je donijela Zaključak broj: 08/3-23-1130/19 od 05.03.2019. godine kojim se odbacuje zahtjev Privrednog društva „GRAFIKOM“ d.o.o. Maglaj zbog nenadležnosti.

U knjigovodstvu Budžeta Grada Zavidovići, bila je evidentirana obaveza po osnovu računa broj: 6 od 11.01.2022. godine, u iznosu od 105,30 KM, prema pravnom licu „Graficom“ d.o.o. Maglaj i ista je plaćena 24.01.2022. godine. Račun se odnosio na uslugu iznajmljivanja reklamnog prostora na predmetnom LED displeju, za čestitku za „Dan državnosti“ i za čestitku za „Božić“ i „Novu godinu“. Na dan 31.01.2023. godine nemamo evidentiranih drugih obaveza prema pravnom licu „Graficom“ d.o.o. Maglaj.

2. Vijećnik Hodžić Haris: Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim informaciju, od strane Stručne službe općinskog vijeća i nadležnih službi, o aktivnostima vijećnika Gradskog vijeća Zavidovići za period od 01.01.2022. godine do 31.12.2022. godine?

Direktrno pitanje:

Tražimo od nadležne Stručne službe Gradskog vijeća Zavidovići da nam dostavi razinu aktivnosti Gradskog vijeća Zavidovići pojedinačno po svakom vijećniku kao i pojedinačno po svakom Klubu.

Odgovor na ovo pitanje treba da sadrži sljedeće informacije: Broja upućenih inicijativa, broja postavljenih vijećničkih pitanja, broja učešća u raspravama, broja replika, broja ispravki krivog navoda i drugih vidova učešća na sjednicama Općinskog vijeća Zavidovići.

Podatke je potrebno dostaviti pojedinačno za svakog vijećnika kao i pojedinačno po svakom Klubu vijećnika koji participira u GV Zavidovići, tabelarnim hronološkim redoslijedom po aktivnosti uzimajući 01.01.2022. godine do 31.12.2022. godine.

Od nadležnih zahtijevam jasne odgovore u pisanoj formi.

Vijećničko pitanje upućuje se Stručnoj službi Gradskog vijeća Zavidovići.

S poštovanjem,

Odgovor na vijećničko pitanje: Nadležna Služba nije dostavila odgovor na vijećničko pitanje.

3. Vijećnik Hodžić Haris: Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim da mi se dostavi informacija gdje je utrošeno 150.000,00 KM po ugovoru broj 1374-1-1-225-5-187/22 – Heldovac doo Žepče?

Direktrno pitanje:

Tražimo od nadležne službe da nam dostavi spisak cesta i lokaliteta gdje su utrošena sredstva iz ugovora br. 1374-1-1-225-5-187/22 te zašto je izvršenje ovog ugovora vršeno od starane

drugog poslovnog subjekta a ne pravnog lica Heldovac doo Žepče kao najpovoljnijeg izvođača radova po ovom javnom pozivu?

Također, potrebno je dostaviti imena pravnih subjekata koji su se prijavili na javni poziv po kojem je naknadno pravno lice Heldovac doo Žepče potpisalo ugovor br. 1374-1-1-225-5-187/22, kao i njihove ponude/licitacije (ponuda svih pravnih lica po ovom javnom pozivu).

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-45/23 od 06.02.2023. godine): Grad Zavidovići i Privredno društvo GP „Heldovac“ d.o.o. Žepče su dana 05.12.2022. godine potpisali Ugovor o nabavci, transportu i isporuci cement-betona marke C25/30 za potrebe modernizacije cesta na području Grada Zavidovići, broj Ugovora: 02-11-2676/22-AP-8 (broj obavještenja o dodjeli Ugovora: 1374-1-1-225-5-187/22), te su ugovorene sljedeće količine:

Isporuka betona za potrebe modernizacije cesta na području Grada Zavidovići u 2022. godini	Količina u m ³
Mjesna zajednica „Pašin konak“	159
Mjesna zajednica „Krivaja - Smailbašići“	120
Mjesna zajednica „Gostović“	120
Mjesna zajednica „Klek“	120
Mjesna zajednica „Rujnica“	80
Mjesna zajednica „Vozuća“	80
Mjesna zajednica „Ribnica“	80
Mjesna zajednica „Branioci grada“	120
Mjesna zajednica „Mećevići“	80
Mjesna zajednica „Kovači“	159
Mjesna zajednica „Lovnica“	120
Mjesna zajednica „Brezik“	200

Do današnjeg dana realizovano je oko 87% Ugovora, odnosno isporučeno je 1.252 m³ od ugovorenih 1.438 m³. Navedena nabavka je finansirana iz namjenskih sredstava Vlade Zeničko-dobojskog kantona za realizaciju projekata iz oblasti cestovne infrastrukture dodijeljenih po Odluci broj: 02-11-13367/22 od 01.09.2022. godine.

U prilogu se dostavlja i izvještaj o provedenom postupku e-aukcije u kome je vidljivo ko su učesnici u postupku javne nabavke kao i sam tok e-aukcije.

Ugovor izvršava subjekt sa kojim je i ugovorena isporuka – GP „HELDOVAC“ d.o.o. Žepče.

4. Vijećnik Hodžić Haris: Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje:

Tražim od nadležne službe da nam dostavi informaciju da li su dole navedeni ugovori direktni sporazumi ili je njihovo izvršenje bilo predmet javni nabavki?

1. 6137274 Izdaci za usluge popravki i održavanja, razvoj turzima izvršen je u iznosu od 6.973,20 KM a odnosi se na sljedeće: 6.973,20 KM Obrt „Musa“ vl. Hasaković Mustafa, Zavidovići – postavljanje promotivnog panoa na ulazu u Gradu Zavidovići iz pravca Maglaj i Olovo.
2. 61399185 Izdaci za učešće u provođenju preventivnih mjera zaštite i spašavanja izvršen je u iznosu od 6.552,00 KM, a odnosi se na sljedeće: 6.552,00 KM „BN Transport“ d.o.o. Zavidovići sanacija pristupnog puta prema Bliznoj Kota 645 za potrebe deminiranja.
3. 8212211 Izdaci za vanjsku rasvjetu, pločnike i ograde – 14.851,98 KM „MGV Gradnja“ d.o.o. Zavidovići rekonstrukcija pješačkih staza i rukohvata na području Grada Zavidovići.
4. 8212241 Nabavka objekata vodovoda i kanalizacije opći fonr izvršen je u iznosu 14.013,79 KM, a odnosi se na sljedeće: 14.013,79 KM „Porobić“ d.o.o. Zavidovići – popravka cjevovoda i rezervoara na vodovodu „Vučjak“ Zavidovići.
5. 82131913 Nabavka opreme izdaci za opremanje struktura civilne zaštite (isušači) izvršen je u iznosu od 6.949,80 KM, a odnosi se na sljedeće: 6.949,80 KM „Arhitektengruppe S71“ d.o.o. Sarajevo nabavka i isporuka isušivača vlage.

Također, za ove ugovore je potrebno dostaviti brojeve ugovora i datume potpisivanja (napomena: ovu informaciju sam tražio i na sjednici vijeća od pomoćnika načelnika razmatrajući tačku rebalans budžeta, ali odgovor nisam dobio).

Od nadležnih zahtijevam jadne odgovore u pisanoj formi.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu finansija, budžet i trezor, broj: 05-45-11/23-AP-2 od 31.01.2023. godine): U 4. (četvrtom) pitanju vijećnika Harisa Hodžića pomenuti su ugovori koje je Grad Zavidovići kao ugovorni organ zaključio na osnovu provedenih postupaka javne nabavke:

1. Javna nabavka radova „Nabavka i postavljanje promotivnih panoa / totema na ulazu u Grad Zavidovići iz pravca Maglaja i Olova“ provedena je putem direktnog sporazuma u skladu sa Zakonom o javnim nabavkama. Poziv za dostavu ponude upućen je Obrtu „Musa“, vl. Hasaković Mustafa, Zavidovići koji je blagovremeno dostavio ponudu, te je sa istim potpisan ugovor broj: 02-11-1651/22-AP-7 od 06.06.2022. godine u iznosu od 6.973,20 KM sa PDV-om. Javna nabavka je pokrenuta u skladu sa zahtjevom Službe za upravu privrede, lokalni razvoj, infrastrukturu i međunarodnu saradnju Grada Zavidovići i u skladu sa procijenjenom vrijednosti nabavke.

2. Javna nabavka radova „Preventivna mjera sanacije pristupnog puta na kotu 645 - Blizna za potrebe deminiranja“ provedena je putem direktnog sporazuma u skladu sa Zakonom o javnim nabavkama. Poziv za dostavu ponude upućen je Privrednom društvu „BN Transport“ d.o.o. Zavidovići koje je blagovremeno dostavilo ponudu, te je sa istim potpisan ugovor broj: 02-11-880/22-AP-8 od 21.03.2022. godine u iznosu od 6.552,00 KM sa PDV-om. Javna nabavka je pokrenuta u skladu sa zahtjevom Službe za upravu civilne zaštite Grada Zavidovići i u skladu sa procijenjenom vrijednosti nabavke.

3. Javna nabavka radova „Izrada pješačkih staza i rukohvata“, provedena je putem otvorenog postupka, broj ugovora je 02-11-2756/21-AP-13 zaključen dana, 16.12.2021. godine u iznosu od 14.851,98 KM sa PDV-om. Javna nabavka je pokrenuta u skladu sa zahtjevom Službe za upravu privrede, lokalni razvoj, infrastrukturu i međunarodnu saradnju Grada Zavidovići i u skladu sa procijenjenom vrijednosti nabavke.

4. Vodovod „Vučjak“

4.1. Javna nabavka radova „Popravke na rezervoaru vodovoda „Vučjak““ pokrenuta je putem direktnog sporazuma u skladu sa Zakonom o javnim nabavkama u decembru 2021. godine.

Poziv za dostavu ponude upućen je Privrednom društvu „Porobić“ d.o.o. Zavidovići koje je blagovremeno dostavilo ponudu, te je sa istim potpisan ugovor broj: 02-11-3218/21-AP-8 od 20.01.2022. godine u iznosu od 7.014,85 KM sa PDV-om. Javna nabavka je pokrenuta u skladu sa zahtjevom Službe za upravu privrede, lokalni razvoj, infrastrukturu i međunarodnu saradnju Grada Zavidovići i u skladu sa procijenjenom vrijednosti nabavke.

Javna nabavka je pokrenuta nakon što je prilikom dovoda vode u izgrađeni rezervoar utvrđeno da isti propušta, te je bilo potrebno izvršiti popravke na rezervoaru, uz napomenu da je ugovor za izgradnju rezervoara „Vučjak“ potpisan krajem 2015. godine a izgradnja rezervoara je završena početkom 2016. godine. U tom trenutku nije bilo moguće ispitati rezervoar iz razloga što nije bio izgrađen i potisni vod, tj. nije bio izgrađen dovod vode do samog rezervoara.

4.2. Javna nabavka radova „Popravke na distributivnim cjevovodima vodovoda „Vučjak““ provedena je putem direktnog sporazuma u skladu sa Zakonom o javnim nabavkama u martu 2022. godine.

Poziv za dostavu ponude upućen je Privrednom društvu „Porobić“ d.o.o. Zavidovići koje je blagovremeno dostavilo ponudu, te je sa istim potpisan ugovor broj: 02-11-1161/22-AP-8 od 07.04.2022. godine u iznosu od 6.998,94 KM sa PDV-om. Javna nabavka je pokrenuta u skladu sa zahtjevom Službe za upravu privrede, lokalni razvoj, infrastrukturu i međunarodnu saradnju Grada Zavidovići i u skladu sa procijenjenom vrijednosti nabavke.

Nakon otklanjanja nedostataka na rezervoaru prilikom puštanja vode u sistem utvrđeno je da je glavni distributivni cjevovod iz rezervoara isprekidan na nekoliko mjesta nepažnjom vlasnika prilikom izgradnje stambenih objekata i prilaza stambenim objektima. Iz tog razloga bilo je potrebno izvršiti ispitivanje odvodnog cjevovoda cijelom dužinom i sanirati prekide cjevovoda na adekvatan način.

5. Javna nabavka roba „Nabavka i isporuka isušivača vlage“ provedena je putem direktnog sporazuma u skladu sa Zakonom o javnim nabavkama.

Poziv za dostavu ponude upućen je „Arhitektengruppe S 71“ d.o.o. Sarajevo koje je blagovremeno dostavilo ponudu, te je sa istim potpisan ugovor broj: 02-11-1858/22-AP-7 od 01.07.2022. godine u iznosu od 6.949,80 KM sa PDV-om. Javna nabavka je pokrenuta u skladu sa zahtjevom Službe za upravu civilne zaštite Grada Zavidovići i u skladu sa procijenjenom vrijednosti nabavke.

2. VIJEĆNIČKO PITANJE VIJEĆNIKA IMAMOVIĆ ARMINA

Vijećnik Imamović Armin: U skladu sa odredbama Poslovnika o radu Gradskog vijeća upućujem vijećničko pitanje pravobranilaštvu Grada Zavidovići, a koje glasi:

Obzirom da je udruženje građana ŽIVOTINJSKO CARSTVO ARMA čiji sam ja osnivač, predsjednik a ujedno i jedini investitor sa namjerom da se riješi zbrinjavanje pasa lualica pa u namjeri i izgradio vlastitim sredstvima azil za pse, a da sam pri tome od strane mog kolege

vijećnika Harisa Hodžića optužen i identificiran kao kriminalac što je za posljedicu rezultiralo mojim prekidom ugovora sa gradom.

Nakon provedene istrage od strane Kantonalnog ministarstva uz posjete inspekcija utvrđeno je da nikakvih osnova nema da bi u mom radu nešto se okarakterisalo kao kriminalno djelo.

Moje vijećničko pitanje glasi:

Koliko ima aktivnih tužbi za ugrize djece, odraslih, pretrpljeni strah i ostalu materijalnu štetu (dakle tužbe koje su u procesu)? svi prijavljeni slučajevi.

Koliko je novca do sada isplaćeno na ime odštete po sudskim presudama kao i koliko je dato za sudske troškove?

Molim podatke unazad 5 god koji će biti transparentni i koncizno sumirani.

Odgovor tražim u pisanom obliku.

Odgovor na vijećničko pitanje (Odgovor je sačinjen na osnovu akta Gradskog pravobranilaštva Zavidovići, broj: R-6/23 od 08.02.2023. godine):

TABELARNI PRIKAZ PARNIČNIH PREDMETA
(naknade štete zbog napada pasa lotalica)

Red broj	TUŽITELJ	TUŽENI	VRSTA SPORA	VRIJEDN OST SPORA	NAPOMENA
1. P.8/19	Jusupović Hidajet sin Ismeta	Općina Zavidovići	Naknada štete – napad psa lotalice	800,00 KM	1.330,00 KM glavnica; 1.855,10 KM troškovi; 601,93 KM kamata Ukupno: 3.787,03 KM isplaćeno
2. P.12/19	Skejić Hazim sin Sulejmana	Općina Zavidovići	Naknada materijalne i nematerijalne štete – napad psa lotalice	1.273,00 KM	Presuda nije još provedena, a presudom Općina obavezana na isplatu 1.273,00 KM glavnice, kamate od 27.06.2019. god. i troškove u iznosu od 1.050,00 KM
3. P.2/20	Ibraković Anes sin Jasmina	1. Općina Zavidovići 2. Zeničko – dobojski kanton	Naknada štete – napad pasa lotalica	2. 512,20KM	922,20 KM glavnica, 1.205,97 troškovi, 223,21 kamata Ukupno:

					2.351,38 KM isplaćeno
Red.broj 4. P.11/20	TUŽITELJ Polić Melisa kći Muje	TUŽENI Općina Zavidovići	VRSTA SPORA Naknada materijalne i nematerijalne štete – ujed psa lutalice	VRIJEDN OST SPORA 2.510,00 KM	NAPOMENA 640,00 KM glavnica, 1.183,82 KM troškovi, 190,33 KM kamata Ukupno: 2.014,15 KM isplaćeno
Red.broj 5. 2/21	TUŽITELJ SZR FARMA FAZANA „Kalimero“	TUŽENI Općina Zavidovići	VRSTA SPORA Naknada materijalne štete i izgubljene dobiti – napad pasa lutalice	VRIJEDN OST SPORA 44.125,00 KM	NAPOMENA 12.270,00 KM glavnica, 5.496,86 troškovi, 2.970,99 kamata Ukupno: 20.737,85 KM isplaćeno
Red.broj 6. P.21/21	TUŽITELJ Mldb. Lišić Ajna kći Dževada	TUŽENI Općina Zavidovići	VRSTA SPORA Naknada materijalne i nematerijalne štete	VRIJEDN OST SPORA 4,000,00 KM	NAPOMENA 1.184,60 KM glavnica, 887,43 KM troškovi, 126,57 KM kamata Ukupno: 2.198,60 KM isplaćeno
Red.broj 7. R.52/21	TUŽITELJ Aličković Hamza sin Hasana	TUŽENI Općina Zavidovići	VRSTA SPORA Naknada štete - napad psa lutalice Vansudska nagodba	VRIJEDN OST SPORA 600,00KM	NAPOMENA Nije bilo tužbe već je zaključena vansudska nagodba 600,00 KM isplaćeno
Red.broj 8. P.4/22	TUŽITELJ Karahasanovi ć Nermin sin	TUŽENI Općina Zavidovići	VRSTA SPORA Naknada materijalne i	VRIJEDN OST SPORA	NAPOMENA Sudska nagodba

	Sejada		nematerijalne štete – ujed psa lualice	2.500,00 KM	zaključena na iznos 2.500,00 KM, troškovi 480,00 KM
Red.broj 9. P.9/22	TUŽITELJ Šabić Haćima	TUŽENI Općina Zavidovići	VRSTA SPORA Naknada materijalne i nematerijalne štete – napad pasa lualica	VRIJEDN OST SPORA 13.914,75 KM	NAPOMENA Postupak još nije okončan na sudu
Red.broj 10. P.19/22	TUŽITELJ Joldić Fikret sin Mustafe	TUŽENI Općina Zavidovići	VRSTA SPORA Naknada materijalne i nematerijalne štete – napad pasa lualica	VRIJEDN OST SPORA 2.900,00 KM	NAPOMENA Postupak još nije okončan na sudu
Red.broj 11. R.42/22	TUŽITELJ Husanović Emir sin Mustafe	TUŽENI Općina Zavidovići	VRSTA SPORA Naknada materijalne i nematerijalne štete – napad pasa lualica	VRIJEDN OST SPORA 800,00 KM	NAPOMENA Nije bilo tužbe već je zaključena vansudska nagodba 800,00 KM isplaćeno
Red.broj 12. R.44/22	TUŽITELJ Alić Amir sin Fahrudina	TUŽENI Općina Zavidovići	VRSTA SPORA Naknada materijalne i nematerijalne štete – napad pasa lualica na vozilo dok je bilo parkirano	VRIJEDN OST SPORA 2.280,00 KM	NAPOMENA Nije bilo tužbe već je zaključena vansudska nagodba 2.280,80 KM isplaćeno
Red.broj 13. R.52/22	TUŽITELJ Ćosić Irfan sin Hasana	TUŽENI Općina Zavidovići	VRSTA SPORA Naknada materijalne i nematerijalne štete – napad pasa lualica na domaćinstvo	VRIJEDN OST SPORA 666,00 KM	NAPOMENA Nije bilo tužbe već, opomena pred tužbu pa je zaključena vansudska nagodba 666,00 KM isplaćeno

Podatke o ukupno isplaćenim iznosima po naprijed navedenim osnovima uzeti su od Službe za upravu finansija, budžet i trezor, te dijelom iz akata u spisima Gradskog pravobranilaštva. Ukoliko bude postojala potreba za dodatnim pojašnjenjima vijećniku gđin. Imamović Arminu stojimo na raspolaganju.

3. VIJEĆNIČKA PITANJA VIJEĆNIKA FEHRIĆ ŠEMSE

1. Vijećnik Fehrić Šemso: U kojoj fazi je rekonstrukcija lokalnog puta Vozuća-Sljivići-Crnjevo, koji obim radova je predviđen, kao i u kojem vremenskom roku se treba izvesti rekonstrukcija ovog puta?

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-45/23 od 06.02.2023. godine): Dana 13.10.2022. godine potpisan je Ugovor o sanaciji i rekonstrukciji dijela lokalne ceste Vozuća - Crnjevo. Izvođač radova je Privredno društvo „GEO-PUT“ d.o.o. Maglaj, a vrijednost ugovora iznosi 44.993,00 KM.

U okviru ovog Ugovora će se na jedanaest lokacija sa najvećim deformacijama puta u dužini 10 do 30 m izvršiti sanacija lokalnih oštećenja saobraćajnice. U okviru planiranih radova izvršit će se: skidanje oštećenog asfalta, mašinski iskop trupa ceste radi zamjene tla lošije nosivosti u posteljici na dijelovima kolovoza sa velikim deformacijama i izrada stepenastih zasjeka, izrada gornjeg nosećeg sloja od drobljenog kamenog materijala i asfaltiranje, te saniranje pojedinačnih udarnih rupa.

Uvođenje Izvođača u posao je nekoliko puta odgađan zbog nestabilnog vremena za ovu vrstu radova, a rok za izvođenje radova je 30 kalendarskih dana od dana uvođenja Izvođača u posao. Po nastanku stabilnih vremenski uslova, Izvođač će biti uveden u posao. Očekivani završetak radova je kraj marta 2023. godine.

2. Vijećnik Fehrić Šemso: Da li se planira u skorije vrijeme raditi sanacije fontane u centru grada?

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-21/23-AP-34 od 09.02.2023. godine): U Budžetu Grada Zavidovići za 2023. godinu nisu planirana finansijska sredstva za sanaciju fontane u centru Grada.

Tokom 2023. godine vršit će se redovno održavanje fontane koje podrazumijeva čišćenje od lišća i raznih otpadaka i povremeno pražnjenje i detaljno pranje fontane kao i održavanje elektronskih i drugih tehničkih komponenti fontane.

4. VIJEĆNIČKA PITANJA VIJEĆNIKA SKEJIĆ SAMIRA:

1. Vijećnik Skejić Samir: Zamolio bih ovlaštene predstavnike svih mjesnih zajednica da Gradskom vijeću Zavidovići dostave kompletne izvještaje o poslovanju u periodu od 2020. godine do 2022. godina, trenutnom finansijskom statusu, ostvarenim novčanim transferima i donacijama od strane Grada, prometu i prodaji nekretnina i imenima kupaca s kojima je ostvarivana kupoprodaja u navedenom periodu te investicionim planovima i napretku u njihovoj realizaciji. Moliću isključivo odgovor u pisanoj formi.

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-17/23-AP-32 od 06.02.2023. godine): Odredbama člana 80. Statuta Općine Zavidovići („Službeni glasnik Općine

Zavidovići“, broj: 5/08, 5a/08 i 11/19) i Privremene Statutarne Odluke Općine („Službeni glasnik Općine Zavidovići“, broj: 4/22) propisano je da „Savjet mjesne zajednice za svoj rad odgovara Gradskom vijeću i obavezno mu podnosi godišnji izvještaj o svom radu“. Rad mjesne samouprave u FBiH uređen je Zakonom o principima lokalne samouprave („Službene novine FBiH“, broj: 49/6), Statutom Općine Zavidovići („Službeni glasnik Općine Zavidovići“, broj: 5/08 , 5a/08 i 11/19) kao i drugim pojedinačnim aktima Grada Zavidovići.

Programom rada Gradskog vijeća Grada Zavidovići, predviđeno je da Gradsko Vijeće razmatra Izvještaj o radu i finansijskom poslovanju mjesnih zajednica. Cilj Izvještaja je sagledavanje stanja rada organa mjesnih zajednica na području Grada Zavidovići u svrhu rješavanja problema za građane mjesne zajednice i efikasnijeg funkcionisanja rada savjeta mjesnih zajednica. Izvještaj o radu i finansijskom poslovanju mjesnih zajednica dostavlja se na već utvrđenom jedinstvenom obrascu koji se dostavlja Gradskom vijeću na razmatranje i usvajanje. Obrazac Izvještaja o radu i finansijskom poslovanju kreiran je tako da sadrži podatke o prihodima (redovna sredstva iz Budžeta, donirana sredstva i ostali prihodi) i utrošenim sredstvima (plaće, naknade, putni troškovi, izdaci za komunalne usluge, troškovi unajmljivanja imovine i sl.) za godinu za koju se podnosi Izvještaj. Uz jedinstveni obrazac Izvještaja sve mjesne zajednice dostavljaju i završni račun koji je ovjeren pečatom certificiranog računovođe i pečatom pravnog lica, podnosioca Izvještaja.

Aktom broj: 04-10-11-120/21 od 09.06.2021. godine, obaviještene su sve mjesne zajednice o načinu i postupanju sa nepokretnom imovinom koja je u vlasništvu mjesnih zajednica na području Grada Zavidovići. U članu 63. stav (1) Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/19) propisano je da mjesna zajednica ima status pravnog lica, te kao takva ima ovlaštenja da između ostalog stječe i raspoláže imovinom mjesne zajednice. Članom 78. stav (1) alineja 4. Statuta Općine Zavidovići propisano je da savjet mjesne zajednice između ostalog odlučuje o raspolaganju imovinom mjesne zajednice, iz čega proizilazi da je jedino savjet mjesne zajednice ovlašten da donese odluku o raspolaganju sa imovinom mjesne zajednice (zakup, zamjena, prodaja i drugo).

S obzirom da ste vijećnik u mandatnom periodu 2020. - 2024. godine te da ste tražene podatke za 2020. i 2021. godinu već razmatrali na sjednicama Gradskog vijeća, smatramo da ste ih i detaljno čitali prije usvajanja jer su Izvještaji o radu i finansijskom poslovanju za rad mjesnih zajednica za 2020. i 2021. godinu usvojeni. Izvještaj o radu mjesnih zajednica za 2022. godinu će se razmatrati ove godine gdje ćete imati dostupne sve podatke za prošlu godinu uz dodatak Izvještaja o „prometu i prodaji nekretnina i imenima kupaca“.

2. Vijećnik Skejić Samir: Zamolio bih za potpuniji izvještaj o poslovanju preduzeća PROGRES – N d.o.o. Zavidovići obzirom da u ranijem izvještaju nisu dostavljeni kompletni podaci o ostvarenoj ukupnoj dobiti na godišnjem nivou kao ni podatak na koji period preduzeće formira ugovorne odnosne i kad ističe posljednji ugovor o pružanju usluga. Ujedno, tražiću i podatak da li se naplata usluga na sedmičnom nivou vrši u skladu sa Zakonom o porezu na dobit Federacije BiH. Moliću isključivo odgovore u pisanoj formi.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-46/23 od 08.02.2023. godine): Dodjela parkirališta na korištenje radi pružanja usluga parkiranja se u skladu sa Pravilnikom o postupku davanja na korištenje javnih parkirališta („Službeni glasnik Općine Zavidovići“, broj: 5/10, 8/11, 10/11, 8/15 i 10/19) i broj: 02-19-1014/20 od 23.3.2020. godine vrši putem Javnog oglasa.

Općina Zavidovići je dana 24.3.2020. godine raspisala Javni oglas za dodjelu javnih parkirališta na korištenje radi pružanja usluga parkiranja uz naplatu broj: 03-23-1012/20. naplatu na parkiralištima kako slijedi:

- prostor između salona namještaja i ulice „Mehmed-paše Sokolovića“, do realizacije Regulacionog plana „Centar 1“. Navedeni prostor obuhvata dva plato parkirališta (parking mjesta br. 1 – 68), osim parking mjesta ispred salona namještaja koji je opće parkiralište i prvog reda parkirališnih mjesta na drugom nivou parkirališta posmatrajući prema zgradi Općine Zavidovići, koji je rezervisan za parkiranje vozila zaposlenih Općine Zavidovići, Porezne ispostave Zavidovići, Ministarstva unutrašnjih poslova ZDK, Policijske uprave Zavidovići, bez plaćanja naknade za parkiranje.
- prostor s desnu stranu kolovoza ulice „Alije Izetbegovića“, od raskrsnice s ulicom „Safvet-baga Bašagića“ do raskrsnice s ulicom „Gazi Husrev-bega“ (parking mjesta br. 1 – 18).

Na Javni oglas blagovremeno je dostavljena jedna prijava od strane Privrednog društvo „PROGRES-N“ d.o.o. Zavidovići.

Obzirom da je u toku provođenja postupka po navedenom Javnom oglasu utvrđeno da je dostavljena prijava blagovremena, uredna i potpuna, te da u ostavljenom roku drugih prijava nije bilo, sa navedenim Privrednim društvom dana 17.04.2020. godine, zaključeni su Ugovori o dodjeli naprijed navedenih parkirališta na korištenje radi pružanja usluga parkiranja uz naplatu.

Ugovori su zaključeni na period od 3 godine, te navedeni ugovori ističu 17.04.2023. godine.

U navedenim Ugovorima određena je obaveza Privrednog društvo „PROGRES-N“ d.o.o. Zavidovići da za parking prostor između salona namještaja i ulice „Mehmed-paše Sokolovića“ u jednakim mjesečnim obrocima isplati naknadu u iznosu od 3.000,00 KM (slovima: trihiljade i 00/100 KM) za period od 3 (tri) godine, a za parking u ulici „Alije Izetbegovića“ naknadu u iznosu od od 1.500,00 KM (slovima: jednahiljadapetstotina i 00/100 KM) za period od 3 (tri) godine.

Obaveze određene u navedenim ugovorima se redovno izmiruju, a što je evidentirano u Službi za upravu finansija, budžet i trezor.

Informacijama koje se odnose na izvještaj o poslovanju Privrednog društva „PROGRES-N“, te ostvarenoj ukupnoj dobiti na godišnjem nivou, kao ni podacima o načinu vršenja naplate usluga na sedmičnom nivou ne raspoložemo, niti je navedeno Privredno društvo dužno da Gradu Zavidovići dostavlja navedene informacije i podatke.

Napominjemo da je navedeno Privredno društvo kao i ostala privredna društva u F BiH dužno da posluje u skladu sa pozitivnim zakononskim propisima, te da nadležni organi imaju mogućnost kontrole poslovanja istog.

3. Vijećnik Skejić Samir: Zamolio bih opširnije tumačenje člana 177. Poslovnika o radu Gradskog vijeća Zavidovići:

Član 177.

„Materijali Vijeća i radnih tijela povjerljive prirode nisu dostupni javnosti“.

Molio bih da se konkretizovano navede situacije i okolnosti u radu Vijeća o kojima ne treba obavještavati javnost i da se protumače razlozi zašto nije dobro da javnost bude obaviještena o svemu što je nadležnost Vijeća.

Molit ću isključivo odgovore u pisanoj formi.

Odgovor na vijećničko pitanje: Nadležna Služba nije dostavila odgovor na vijećničko pitanje.

5. VIJEĆNIČKA PITANJA VIJEĆNIKA AVDIČEVIĆ ZAHIDA

1. Vijećnik Avdičević Zahid: Inicijativu koju sam predložio prije otprilike 12 mjeseci ne znam je li realizovana, nemam te podatke, a tiče se sanacije-rekonstrukcije šehidskih nišana koje smo trebali uputiti prema Ministarstvu Zeničko - dobojskog kantona?

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-16/23-AP-167-1 od 06.02.2023. godine): Dana 16.06.2022. godine Služba za upravu društvenih djelatnosti, pitanja boraca i opću upravu poslala je akt, broj: 04-45-18/22-AP-383 prema Ministarstvu za boračka pitanja Zeničko-dobojskog kantona, te uputila Inicijativu za sanaciju šehidskih nišana i drugih nadgrobnih spomenika poginulim borcima Armije RBiH i pripadnika MUP-a sa područja Grada Zavidovići.

U prilogu akta nadležnom Ministarstvu dostavljen je i predmetni Zaključak Općinskog vijeća Zavidovići, Inicijativa i Stav općinskog načelnika na uvid i dalje razmatranje.

Uredba o naknadi troškova podizanja nišana / nadgrobnog spomenika („Službene novine Zeničko-dobojskog kantona“, broj: 4/14) šehidske nišane i nadgrobnog spomenike tretira samo po pitanju prve ugradnje ili refundacije troškova podizanja nišana / nadgrobnog spomenika porodicama, tako da nisu odobrena sredstva za ovu namjenu.

U toku je priprema Nacrta Zakona o dopunskim pravima branilaca Zeničko-dobojskog kantona, na osnovu čega će biti doneseni podzakonski akti, koji će i ovo pitanje riješiti. Predsjedniku Organizacije porodica šehida i poginulih boraca Grada Zavidovići najavljena je potreba pokretanja aktivnosti neophodnih za realizaciju ove inicijative, bez obzira na ishod donošenja kantonalnih propisa o sanaciji šehidskih nišana i nadgrobnih spomenika.

2. Vijećnik Avdičević Zahid: Prije desetak mjeseci bilo je jedno moje pitanje, odnosno više inicijativa da dva invalidska mjesta kod Gradske džamije da se pridruži još jedno treće i da se naprave dva šira mjesta za one ljude koji u kolicima dolaze da obavljaju svoje vjerske obrede, međutim neki dan sam prošao i vidim da su ista ta dva mjesta stoje, znači nisu proširena, a znači bilo je to otprilike prije desetak mjeseci?

Pa evo tražim od nadležne službe da mi odgovori, evo može usmeno, može i pismeno, kad to planiraju napraviti? Zahvaljujem.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-45/23 od 06.02.2023. godine): Prilikom izvođenja radova na obilježavanju vertikalne signalizacije na gradskim ulicama izvršit će se obilježavanja navedenih parking mjesta u skladu sa Uredbom o prostornim standardima, urbanističko-tehničkim uslovima i normativima za sprječavanje stvaranja arhitektonsko-urbanističkih prepreka za osobe sa umanjnim tjelesnim mogućnostima („Službene novine Federacije BiH“, broj: 48/2009).

6. VIJEĆNIČKA PITANJA VIJEĆNIKA AVDIČEVIĆ AMERA

1. Vijećnik Avdičević Amer: Zašto nadležna služba nije do sada realizovala Zaključak vijeća broj: 01-19-65/22-AP-6 kojim se prihvata inicijativa za donošenje odluke o postavljanju jarbola sa zastavom države Bosne i Hercegovine na svaki ulaz u Zavidoviće, kao i na raskrnicu u centru grada.

OBRAZLOŽENJE:

31.01.2022. godine, dakle na početku prošle godine usvojen je ovaj Zaključak. Rok za realizaciju inicijative je 60 dana. Prošla je godina dana, završila se jedna budžetska godina, sredstva su bila predviđena u budžetu 2022. godine za realizaciju ove inicijative, međutim i danas nije izvršena.

Molim da mi se odogov dostavi u pisanoj formi.

Odgovor na vijećničko pitanje (Odgovor je sačinjen od strane Stručne službe gradonačelnika): Budžetom Općine / Grada Zavidovići za 2023. godinu nisu planirana sredstva za realizaciju inicijative vijećnika Avidičević Amera za postavljanje jarbola sa zastavama Bosne i Hercegovine. Tokom 2022. godine, u skladu sa raspoloživim sredstvima, vođene su aktivnosti na postavljanju jarbola i zastava na Spomeniku žrtvama fašizma 1942. – 1945. godina. U 2023. godini provodit će se aktivnosti na realizaciji ove inicijative u skladu sa raspoloživom finansijskim sredstvima planiranim u Budžetu Grada Zavidovići za 2023. godinu iz kojih se može finansirati ova aktivnost. Također je prije postavljanja jarbola sa zastavama potrebno obezbijediti saglasnosti nadležnih organa jer će isti biti postavljeni u pojasu puta.

2. Vijećnik Avdičević Amer: Da li su poduzete ikakve aktivnosti na rješavanju problema pasa lualica.

OBRAZLOŽENJE:

Uzimajući u obzir da su u budžetu 2022. godine bila obezbijedena sredstva za ovu namjenu, izvršena, ove godine također planirana, zbog čega imamo toliko pasa lualica na ulicama? Gradsko vijeće ne snosi odgovornost ukoliko bi se dogodila kakva nesreća, problem pasa lualica je problem Gradonačelnika, nadležne službe i onih kojima se navedena sredstva dodjeljuju.

Da li iko nadzire kako su i da li su na pravi način utrošena ta sredstva?

Ako jesu, da li je malo sredstva, neka nam neko sugeriše. Ako jeste malo, moramo pronaći način da uvećamo sredstva, moramo pronaći način da riješimo taj problem dok nas nije zadesila kakva tragedija. Svjedoci smo sličnih tragičnih događaja o kojima pišu mediji ovih dana. Zaista nam ne treba takav jedan.

Molim da mi se odgovor dostavi u pisanoj formi.

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-21/23-AP-26 od 31.12.2023. godine): Ugovor o podršci projekta zbrinjavanja pasa lualica sa području Grada Zavidovići zaključen je između Gradonačelnika i UG „ŽIVOTINJSKO CARSTVO ARMA“ u mjesecu martu 2022. godine.

Predmetnim Ugovorom UG „ŽIVOTINJSKO CARSTVO ARMA“ preuzelo je obavezu uklanjanja i zbrinjavanja napuštenih i izgubljenih pasa i pasa lualica sa urbanog područja Grada Zavidovići

Shodno navedenom UG „ŽIVOTINJSKO CARSTVO ARMA“ je dostavilo finansijske izvještaje za mjesece: mart, april, maj, juni i juli.

Što se tiče datuma isplata obavještavamo vas da je:

- za mjesec mart izvršena isplata 21.06.2022. godine u iznosu od 2.000,00 KM,
- za mjesec april izvršena isplata 21.06.2022. godine u iznosu od 2.000,00 KM,
- za mjesec maj izvršena isplata 21.06.2022. godine u iznosu od 2.000,00 KM,
- za mjesec juni izvršena isplata 15.07.2022. godine u iznosu od 2.700,00 KM.

Dana, 22.07.2022. godine UG „ŽIVOTINJSKO CARSTVO ARMA“ je dostavilo izjavu o jednostranom raskidu Ugovora.

Nakon raskida Ugovora Gradonačelnik je raspisao još tri javna poziva za zbrinjavanje pasa lualica ali po navedenim javnim pozivima nije pristigla niti jedna prijava.

3. Vijećnik Avdičević Amer: Da mi nadležna služba dostavi izvještaj koliko vijećnika u ovom mandatu do ovog trenutka odreklo zaista svojih paušala?

Molim odgovor u pisanoj formi.

Odgovor na vijećničko pitanje: Nadležna Služba nije dostavila odgovor na vijećničko pitanje.

7. DOPUNSKA VIJEĆNIČKA PITANJA VIJEĆNIKA FOJNICA ADMIRA

1. Vijećnik Fojnica Admir: 1. Postaviću pitanje koje se izravno dotiče problematike etažnog vlasništva na nivou Grada Zavidovići i loše provodbe Zakona o etažnom vlasništvu na nivou Grada. Osobito je delikatna situacija kad su posrijedi vlasnički udjeli nad takozvanim zajedničkim dijelovima u zgradama zajedničkog stanovanja. Konkretno me zanima zašto do sad nije zakonito rješavan problem vlasništva nad podrumskim prostorima u zgradama zajedničkog življenja odnosno zašto nije urađena legalizacija i upis vlasništva nad navedenim prostorijama.

Odgovor na 1. dopunsko vijećničko pitanje (Odgovor je sačinjen na osnovu akta Službe za upravu geodetskih, imovinskopравnih poslova i urbanizam, broj: 06-45-18/23-AP-32 od 30.01.2023. godine): Uspostava i uknjižba etažnog vlasništva vrši se u Zemljišnoj knjizi Općinskog suda Zavidovići u skladu sa odredbama Zakona o stvarnim pravima.

Na području Grada Zavidovići uspostava etažnog vlasništva vršena je 2016. godine u sklopu projekta - sporazuma o zajedničkoj implementaciji aktivnosti na sistematskom ažuriranju podataka o nekretninama katastra i Zemljišne knjige u k.o. Zavidovići.

Prilikom uspostave etažnog vlasništva podaci o stanovima i zajedničkim dijelovima zgrade preuzimani su iz knjige položenih ugovora koja se vodila kod Općinskog suda Zavidovići u koju su se do tada upisivali podaci o stanovima, a na osnovu ugovora o otkupu stanova na kojima su postojala stanarska prava.

Dakle na području Grada Zavidovići nije bilo uspostavljeno etažno vlasništvo niti su se podaci o stanovima vodili u katastru zemljišta.

2. Vijećnik Fojnica Admir: 4. a) Kako je planirana restitucija stanarskih prava za vlasnike čiji su stambeni objekti porušeni u toku ratnog perioda a koji do 2022. godine nisu dobili pravično obeštećenje. U ime bivših nosioca stanarskog prava u nekadašnjoj ulici „Narodnog fronta“ br. 21 interesujem se kako je planirano rješavanje stanarskog prava za bivše vlasnike i za njihove zakonite sljedbenike u imalačkom pravu. Navedeni stambeni objekat je pretrpio kompletnu devastaciju, a njegovi ostaci su trajno uklonjeni odlukom tadašnjih općinskih vlasti. Molio bih konkretan odgovor u pisanoj formi i izjašnjenje da li bivši stanari imaju pravo na novčano ili stambeno obeštećenje u sklopu nekog od programa socijalnog zbrinjavanja.

Odgovor na 4. a) dopunsko vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-16/23-AP-167-2 od 06.02.2023. godine): Ne postoji restitucija stanarskih prava, a sporno je određenje o tome šta se podrazumijeva pod „pravičnim“ obeštećenjem. Raseljena lica, nosioci stanarskih prava ili vlasnici stambenih jedinica u skladu sa Zakonom o raseljenim licima i povratnicima

(„Službene novine Zeničko-dobojskog kantona“, broj: 6/06; 10/08 i 10/11) imaju pravo na pomoć u nužnoj opravci vlastitih kuća ili stanova i pravo na privremeni smještaj uz ispunjavanje zakonom određenih uslova. Svako raseljeno lice ima status utvrđen posebnim rješenjem nadležnog Ministarstva za rad, socijalnu politiku i izbjeglice ZDK sa tačno navedenim pravima.

Stanarsko pravo nije pravo vlasništva nad stambenom jedinicom, niti se može postati vlasnik stana koji ne postoji, što bi se u suštini svelo samo na vlasništvo nad gradskim građevinskim zemljištem.

Raseljena lica, prava u svrhu stambenog zbrinjavanja uz ispunjavanje potrebnih uslova ostvaruju putem Javnih poziva za dodjelu stambenih jedinica na korištenje, izgradnju stambenih jedinica na vlastitom zemljištu ili na korištenje alternativnog smještaja sa subvencijom stanarine iz budžeta Zeničko-dobojskog kantona ukoliko ne koriste neku drugu stambenu jedinicu u vlasništvu Grada kao vid alternativnog smještaja. Stanovi izgrađeni i dodijeljeni kroz projekte socijalnog stanovanja ili za alternativni smještaj raseljenih lica ne mogu se dodijeliti u vlasništvo nego na korištenje do rješavanja stambenog pitanja na drugačiji način (neodređen rok sa povremenim produženjem Ugovora o korištenju stana).

Nosioci stanarskog prava sa statusom raseljenog lica utvrđenim posebnim rješenjem nadležnog Ministarstva, koji nemaju drugu svoju stambenu jedinicu, niti njihov član porodičnog domaćinstva iz 1991. godine a stan se ne može obnoviti iz bilo kojeg razloga, mogu ostvariti i pravo na izgradnju stambene jedinice na vlastitom zemljištu.

Na nivou Bosne i Hercegovine, iako predlagan, nikada nije usvojen Zakon o naknadi ratne štete, koji bi između ostalog tretirao pravo na obeštećenje (u vrijednosti stana) nosilaca stanarskog prava kojima se ne može obnoviti stambena jedinica a stekli su drugu stambenu jedinicu bilo gdje na teritoriji Bosne i Hercegovine.

Služba za društvene djelatnosti, pitanja boraca i opću upravu - Odsjek za pitanja boraca, raseljenih lica i povratnika vodi evidenciju o raseljenim licima na području Grada Zavidovići. Veliki broj raseljenih lica, nosioca stanarskog prava na stambenim objektima koji su porušeni u toku ratnog perioda je obezbjeđen na način da im je dodijeljen stan na korištenje ili su korisnici alternativnog smještaja. Trenutno u evidenciji raseljenih lica imamo još 15 korisnika alternativnog smještaja, kojima nije riješeno stambeno pitanje izgradnjom stambene jedinice ili dodjelom stana u vlasništvo. U novembru 2022. godine okončan je postupak dodjele 16 stambenih jedinica raseljenim licima, na korištenje stambene jedinice u višestambenoj zgradi izgrađenoj u okviru „Regionalanog stambenog programa - Podprojekta BiH – 6“.

Ne raspoložemo podacima o broju osoba koje nemaju status raseljenog lica a nosioci su stanarskog prava u porušanim stambenim jedinicama koje se ne mogu obnoviti iz bilo kojeg razloga.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović

Obradio: _____
(Nermin Čahtarević)